

**Naalakkersuinikkut Ataqatigiissaarisut ulloq 25. januar 2018-imi
ataatsimiinnerat nal. 10:45 - 12:30 Hotel Arctic, Ilulissani.**

Naalakkersuisuniit peqataasut:

Kim Kielsen: Naalakkersuisut Siulittaasuat
Sara Olsvig: Isumaginninnermut, Ilaqutariinnermut, Naligiissitaanermut
Inatsisinillu Atuutsitsinnermut Naalakkersuisoq
Hans Enoksen: Inuussutissarsiornermut, Suliffeqarnermut, Niuernermut
Nukissiornermullu Naalakkersuisoq
Karl-Kristian Kruse: Aalisarnermut Piniarnermullu Naalakkersuisoq
Aqqaluaq B. Egede: Aningaasaqarnermut Akileraartarnermullu Naalakkersuisoq
Doris Jakobsen: Ilinniartitaanermut, Kultureqarnermut, Ilisimatusarnermut
Ilageeqarnermullu Naalakkersuisoq
Agathe Fountain: Peqqissutsimut Nunallu Avannarliit Suleqatigiinnerannut
Naalakkersuisoq
Suka K. Frederiksen: Namminiilivinnissamut, Nunanut allanut Nunalerinnermullu
Naalakkersuisoq
Erik Jensen: Kommuninut, Nunaqarfinnut, Isorliunerusunut
Inissiaqarnermullu Naalakkersuisoq
Múte B. Egede: Aatsitassanut Ikummatissanullu Naalakkersuisoq

Kommuniniit aamma KANUKOKA-miit peqataasut:

Kiista P. Isaksen: Kommune Kujallermi borgmesteri
Nivi Olsen: Kommuneqarfik Sermersuumi borgmesterip sinniisussaa siulleg
Malik Berthelsen: Qeqqata Kommuniani borgmester
Ane Hansen: Kommune Qeqertalimmi borgmester
Palle Jeremiassen: Avannaata Kommuniani borgmester
Simon Simonsen: KANUKOKA-mi siulittaasoq

Allaffeqarfimmiit peqataasut:

Ruth Lindhardt: Naalakkersuisoqarfimmi pisortaq
Nikolai S. Christensen: Naalakkersuisoqarfimmi pisortaq
Kirsten Olesen: Naalakkersuisoqarfimmi pisortaagallartaq
Jørgen Isak Olsen: Naalakkersuisoqarfimmi pisortaq
Tina Pars: Naalakkersuisoqarfimmi pisortaq
Lone Nukaaraq Møller: Naalakkersuisoqarfimmi pisortaq
Jørgen T. Hammecken-Holm: Naalakkersuisoqarfimmi pisortaq
Kenneth Høegh: Naalakkersuisoqarfimmi pisortaq
Martha Abelsen: Immikkoortortami pisortaq
Klaus G. Hansen: Suliniummut pisortaq
Marianne Petersen, imaq.: Allaffimmi pisortaq
Christian B. Knudsen: AC-fuldmægtigi
Peter Hansen, imaq.: Siunnersortaaneq
Per Axel Petersen: Siunnersortaaneq
Kim Dahl: Kommune Kujallermi pisortaaneq
Lars Møller Sørensen: Kommuneqarfik Sermersuumi pisortaaneq
Paneeraq Olsen: Qeqqata Kommuniani pisortaaneq
Sivso Dorph: Avannaata Kommuniani pisortaaneq
Hans Peter Poulsen: Kommune Qeqertalimi pisortaaneq
Kista Isaksen: Kommune Kujallermi isumaginninnermut pisortaq
Kista Lynge Høegh: Kommuneqarfik Sermersuumi Fagchef
Martha Lund Olsen: Kommuneqarfik Sermersuumi Fagchef
Pétur H. Gudmundsson: KANUKOKA-mi pisortaagallartaq

Taaseqataasinnaannatik peqataasut:

Laila K. Thomassen: KANUNUPE

1. Oqaluuserisassat aamma ataatsimiinnermit kingullermit imaqarnialiap akuerineqarneri (KNIAIN)

Naalakkersuinikkut Ataqtatigiissaarisooqatigiit ataatsimiinnissamut oqaluuserisassat aalajangiinnissamullu imaqarniliamut missingiut 25. oktober 2017-imeersoq akueraat.

Utoqqalinersiallit pilugit imm. 3.5 pillugu, immikkoortoq oqaluuserisassanit peerneqarnissaa kissaatigineqarpoq, pissutigalugu taassuma imarisai innarluutillit pillugit inatsimmi allannguutinut attuumassuteqarmata, allannguutillu 2018-imi Inatsisartut upernaakkut ataatsimiinneranni aatsaat oqallisigineqassallutik. Immikkoortup peerneqarnissaa aalajangiunneqarpoq.

2. Oqaluuserisassat akuerisassat ilanngussartallit

2.1. Aalajangersimasumik qulequteqartitsilluni sammisaqarnermit malitseqartitsineq (INIIN)

Isumaginninnermut, Ilaqtariinnermut, Naligiissitaanermut Inatsisinillu Atuutsitsinnermut Naalakkersuisoq, Sara Olsvig-ip Meeqqat Illersuisuat aamma Innarluutillit Illersuisuat peqatigalugit isumasooqatigiinnermi oqallisigineqartut tunngavigalugit Naalakkersuinikkut Ataqtatigiissaarisooqatigiit akuerisassaanik suliaasaanillu tallimanik kaammattuutissaqarpoq. Taakkulu siunnersuutit tallimat tassaapput:

Kaammattuut 1:

Iliuutsit suliaasaqarfinni tamani ataqtatigiissarneqassapput, aamma suliaasaqarfinni tamani aaqqissuussinissamik pisussaaffiliisoqassaaq, tassanilu inuk tamarmiusoq tunngavigineqassalluni.

Kaammattuut 2:

Innuttaasunut siunnersorneqartariaqartunut nunamut tamarmut siunnersuisarfimmik pilersitsisoqassaaq.

Kaammattuut 3:

Innuttaasut tamarmik, inuit ataasiakkaanut ilaqtariinnullu Sivisuumik inuuneranni allannguutaasinnaasut eqqarsaatigalugit inigisassaminnik ineqartariaqarput.

Kaammattuut 4:

Akiitsut pillugit siunnersuinnissaq pillugu suliniut nunap sinneranut siammarterneqassaaq allanullu ineqarnermut akiitsunut tunnganngitsunut.

Kaammattuut 5:

Innunut isumaginninnermi piginnaasat qaffassarneqassapput aamma ilinniartitaanermi pikkorissaasarnernilu immikkut ilisimasaqalernissaq ilanngunneqassaaq.

Kim Kielsen oqarpoq, kaammattuutit ippassaamat ataatsimiinnermi aatsaat ataatsimiinnermi uani saqqummiunneqarmata isumaqarluni Naalakkersuinikkut ataqtatigiissaarisooqatigiit tamassuminnga siunnersuummik nalilersuinissamik periarfissaqarsimanngitsoq.

Taamaamat Naalakkersuinikkut Ataqtatigiissaarisooqatigiit aalajangerput suleqatigiissitamik taakkuninnga tallimanik kaammattuutit tunngavigalugit saqqummiussitutitik suliaqartussanik pilersitsisoqassasoq. Suleqatigiissitaq kommuninit tamanit kiisalu Naalakkersuisoqarfinnit attuumassuteqartunit tamanit ilaasortaqaassaaq.

Oqartussat akornanni akisussaaffinnik agguaneq ersarissuussaaq paasiuminarlunilu. Suleqatigiissitap saqqummiinerani akisussaaffiit agguakkat kikkut akisussaaffigeneraat ersarissuusariaqarput.

Suleqatigiissitap taakkununga kaammattuutitut tallimanut tunngasunik suliniutinik aallarereersimasoqarsimappat atorluarneqarsinnaassapput. Suleqatigiissitap ilaatigut kaammattuutit pillugit saqqummiinnermini suleqatigiissitat allat suliareriigaat allallu pillugit saqqummiussassanik suliaqassanngillat. Assersuutigalugu akiitsut pillugit suliniut, taassumunngami suleqatigiissitamik pilersitsisoqareemat.

Suleqatigiissitap aaqqissuunneqarnissaa suliaassaalu Isumaginninnermut, Ilaqtariinnermut, Naligiissitaanermut Inatsisinillu Atuutsitsinnermut Naalackersuisoqarfiup isumagissavai. Suleqatigiissitami ilaasortat katillugit arfineq pingasuussapput. Kommunitit tamanit sinnisoqassaaq. Kommunitit tamarmik kina suleqatigiissitami ilaasortaassanersoq Naalackersuinikut Ataqtigiissaarisooqatigiinni ataatsimiinnerup kingorna piaarnerpaamik Isumaginninnermut Ilaqtariinnermullu Naalackersuisoqarfimmut nalunaarutigissavaat.

Upernaami Naalackersuinikkut Ataqtigiissaarisooqatigiit ataatsimeeqqinnissaannut kaammattuutitut ataasiakkaanut aalajangersimasumik isummersuutit saqqummiunneqassapput.

3. Oqaluuserisassat saniatigut ilanngussartallit

3.1. KANUKOKA-p atorunnaarnerata kingorna kommuninut siunissami attaveqarnek (KNIAIN)

KANUKOKA-p siulittaasua, Simon Simonsen, ukiup affaanut aggersumut kattuffiup matunissaanut suliaassat ilisimatitsissutivai. Inatsisini pisussaaffinnilu KANUKOKA-mik allassimasullit tamarmik allangortinneqarniarnissaat kaammattuutigaa. Neriutigaa kommunitit tamarmik ataatsimut oqallittarfeqalissasut, suleqatigiinnermi pingaaruteqarmat. Sukkasuumik suleriaaseqaqqusivoq.

Kim Kielsenip siunnersuutigaa, Naalackersuisoqarfiit assigiinngitsut KANUKOKA-mut attuumassuteqarsinnaasut maluginiaqqissaassagaat. Kommuninik qanimut suleqateqarnissaaq isumaqataaffigaa: kommunitit siunnersuisooqatigiinni aalajangiisartuni allanilu KANUKOKA-mi sinniisuuffigineqarsimasuni ilaasortassanik toqqaanissamut peqataatinneqassapput.

Erik Jensen kaammattuivoq suleqatigiilluartariaqartoq oqallittarfinnilu kommunitit innuttaasut pillugit suleqatigiissinnaallutik partiilersuunneq atorneqassanngitsoq. Ataatsimut oqallittarfik sulissutigineqapallattariaqarpoq.

3.2. Sulisussaaleqineq (Kommuneqarfik Sermersooq)

Kommunitim sulisussaaleqisut amerliartorsimapput, kommunillu kissaatigaa saqqummiunneqartut tunngavigalugit Naalackersuinikkut Ataqtigiissaarisooqatigiit peqatigalugit kaammattuutit oqallisigineqarnissaat, pingaartumik paaqqinnittarfinni perorsaasussaaleqineq eqqarsaatigalugu.

NPK-mut isumaqatigiissutit aatsaat 2020-mi nutarterneqassapput.

Naalackersuisut oqaatigaat ilinniaqqinnissamut suliniutit aallartinneqarsimasut. Taassuma saniatigut oqaatigineqarpoq taamaallaat sulisunut aalajangersimasunut akissarsianik qaffaasoqarsinnaanngitsoq, allat sulisut aamma qaffaavigineqarnissamut piumasaqalissammata. Akissarsianik qaffaaneq SPS-imi ilinniarsimasut ikippallaarnerannut tamatigut allannguuteqarnaviannigilaq.

Kim Kielsenip siunnersuutigaa, imm. 2.1.-imi suleqatigiissitaaq pilersinneqarsimasup ajornartorsiutit oqallinnermi qaqqinneqartut suliaminni ilanngutissagaat, tamannalu Naalackersuinikkut Ataqtigiissaarisooqatigiit isumaqataaffigaat.

3.3. Inissiaqarnerup tunniunneqarnera (Kommuneqarfik Sermersooq)

Nivi Olsenip oqaatigaa, Kommuneqarfik Sermersooq Namminersorlutik Oqartussanit inissianik tigusaqarsimasoq. Kommunip inissiat Paamiunittut Nuummiittullu tigorussuppaattaq. Tamanna aasartinnagu inissineqarsinnaavoq.

Erik Jensenip siunnersuutigaa, ataatsimiinnerup siuliani aalajangiunneqartut sulissutigineqaannassasut. Tassunga ilanngullugit Aningaasaqarnermut Naalakkersuisoqarfiup aamma KNIAIN-p susassaqarfinnut pilersaarutitut naammassereersunut aningaasalersuinissaannut suliaqarnissaat. Inissiat pillugit aaqqissuusseqqinnermut atatillugu kommuninut tusarniaasoqarpoq, taassumalu kingorna Inatsisartunut saqqummiisoqassalluni.

Kista P. Isaksenip erseqqissaatigaa kommunit ilaanni kinguaattooqqasoqartoq, uanilu Qaqortumi ikuaallattoqareernerata kingorna, aamma kommunip inissiaatileqatigiiffimmik pilersitsinissaq sulissutigigaa. Kommunip ilisimatitsissutigaa inissiat arlallit isateriaannangorsimasut. Tamannami innuttaasunut sunnuteqassaaq. Taassuma saniatigut akiitsut pissutigalugit politiit innuttaasunik inaannit anisitsisarnerat kinguaattooqqavoq. Innuttaasut anisitaanissartik paasigaangamikku ineqarnermut akiliissaartarput. Kisianni tamarmiusoq isiginiarneqartariaqarpoq. Taamaammat taassuma saniatigut inissiat pillugit pilersaarusiit nutarteqqittariaqarsorai.

Erik Jensenip oqaatigaa, tamakku ajornartorsiutit pillugit kommunit naapeqatigisinnaallugit, maanilu ataatsimiinnermi itisilerlugit eqqartorneqartariaqanngitsut. Innuttaasut nunatsinni imminnut pilersorsinnaanissaannut anguniakkat ilagisaattut sapinngisamik nammineq ineqarsinnaanissaat sulii sulissutigineqartoq.

Kim Kielsenip oqaatigaa, Naalakkersuisut kommunit inissianik tigummialerpata sumiginnarnaviannigilaat, aamma Kommuninut, Nunaqarfinnut, Isorliunerusunut Inissiaqarnermullu Naalakkersuisoqarfik kommunillu suleqatigiinnissaat periarfissaasoq, taassumalu kingorna kommunit inissiat tigummialersinnaassagaat.

Sara Olsvig-ip oqaatigaa, politiinut atatillugu ajornartorsiut pillugu justitsministeri oqaloqatigisimallugu. Meeqqat kinguaassiutitigut atornerlunneqarsimasut video atorlugu killisiorneqartarnerannut atatillugu kommunit misilittakkaminnik ingerlatitseqqinnissaat kissaatiginarpoq.

Erik Jensenip naggasiutitut erseqqissaatigaa maajimi-juunimi kommunit naalakkersuisoqarfiillu attuumassuteqartut akornanni manna pillugu pissutsinut tigusinissamullu piareersarnissamut isumaqatiginninniartut aallartissinnaasut. Suleqatigiissitamik attartortitsisarneq pillugu inatsimmik suliaqartussamik pilersitsisoqarsimavoq. Suliaat ukiamut naammassereersimassaaq. Tigusinissamullu ikaarsaarnissamut atatillugu isumaqatiginninniarterit apeqqutaassapput.

3.4. Unammilleqatigiinnermut inatsisip allanngortinneqarnera (Kommuneqarfik Sermersooq)

Inatsisissamut siunnersuut Inuussutissarsiornermut Naalakkersuisoqarfiup tusarniutigisimasaa Kommuneqarfik Sermersuup annertuumik ernumanartoqarsoraa. Kim Kielsenip oqaatigaa, kommunit tusarniummut akissuteqarsinnaasut, kiisalu inatsisiliornerup ingerlaarnerani oqallinnissaq ajornakusoortoq.

Palle Jeremiasen-ip oqaatigaa, Avannaata Kommuniattaq isumaqartoq mianersortoqartariaqartoq.

Nivi Olsenip eqqaasitsissutigaa, tamanna pisiniartarnermut tunngasoq, inatsisissatullu siunnersuut taamaaginnassappat kommuninut akisoorujussuusinnaasoq. Akiligassaq kommuninut nassiunneqassaaq, tamatumunngalu atatillugu DUT-mi tunngavik tunngavigalugu kommunit taarsiivigineqarnissaminnut piumasaaqateqartariaqassapput.

Malik Berthelsenip siunnersuutip ulorianarsinnaaneranut isumaqataavoq.

Ane Hansenip Kommuneqarfik Sermersooq isumaqatigaa. Taassuma saniatigut eqqumiissoraa maani ataatsimiinnermi kommunit nipangersarniarneqarnerat. Tassungalu Kim Kielsen akivoq, taamaallaat erseqqissaatigineqartoq kommunit tamarmik tusaaneqartut aamma akissutaat sulinermi ilanngunneqarumaartut. Naggataatigut Inatsisissatut siunnersuut Naalakkersuisut Inatsisartunut saqqummiukkumaagaat tunngavigalugu inatsisiliortut aalajangiisuuujumaarmata.

Naalakkersuisut paasivaat, kommunit tamarmik siunnersuut eqqarsarnartoqartikkaat, tamannalu tusaatissatut tiguneqarpoq. Taamaattumik Naalakkersuisut siunnersuummi aningaasaqarnikkut kingunissaasinnaasut isummorsorfigissavaat, tamannalu sulinermi ilanngunneqassaaq.

3.5 Utoqqalinersiat (Kommuneqarfik Sermersooq)

Ataatsimiinnermi akuerineqartumik immikkoortoq oqaluuserisassanit peerneqarpoq.

4. Ilisimatitsissutit saniatigut ilanngussartallit

4.1. Isumaginninnermi ilinniarnernut suliniutit (IKIIN)

Ilisimatitsissut tusaatissatut tiguneqarpoq.

4.2. UNESCO pillugu sulineq (IKIIN)

Ilisimatitsissut tusaatissatut tiguneqarpoq.

4.3. Peqqissutsimut aamma Ilinniartitaanermut Islandimut angalanerannik Islandimiullu periusaannik ilisimatitsineq. (PN aamma IKIIN)

Ilisimatitsissut tusaatissatut tiguneqarpoq.

4.4. Meeqqanut inuusuttunullu inatsisip nutaap killiaffia pillugu ilisimatitsissut (INIIN)

Ilisimatitsissut tusaatissatut tiguneqarpoq.

4.5. Ulluunerani paaqqinnittarfiit pillugit paasissutissiineq (INIIN)

Ilisimatitsissut tusaatissatut tiguneqarpoq kiisalu kingusinnerusukkut allaaserisaq suliarineqareeruni nassiunneqarumaarpoq.

4.6. 2019-imut ataatsimut tapiissutininik isumaqatiginninniarnissamut piareersaatit pillugit ilisimatitsineq, ineqarnermut utoqqarnullu sullissinnermi sanaartornissamut aningasanik tunniussinissaq kiisalu aningaasartuutit pillugit assigiinngitsunit misissueqqissaarnerit il.il. (AN)

Ilisimatitsissut tusaatissatut tiguneqarpoq.

4.7. Missingersuutinut naatsorsuuserinermullu inatsimmut atatillugu nalunaarutinik suliaqarneq pillugu ilisimatitsissut kiisalu pisortat ataatsimut kontoqarnerat pillugu pilersaarut aamma ilanngullugu (AN)

Ilisimatitsissut tusaatissatut tiguneqarpoq, pissutigalugu nalunaarutit kommunit attuumassuteqartut aggersut pillugit suliaqarnermi kommunit peqataarusummata.

4,8 Pisortanut akiitsoqarnerup pitsaalliorneqarnera annikillisinneqarnissaalu pillugit suliamut tunngatillugu ilisimatitsissut - Ilanngaassivik. (AN)

Ilisimatitsissut tusaatissatut tiguneqarpoq. Suliap suliarasuarnissaa kommunit annertuumik sammivaat.

4.9 Suliffeqarfinnik nussuinissat pillugit aalajangernissanut Naalakkersuisut pilersaarutaat nussuinissamullu sinaakkutissat, periaasissat tunngavissallu (AN aamma IKIIN)

Ilisimatitsissut tusaatissatut tiguneqarpoq kiisalu oqallisissiap ataatsimiinnissap tulliani oqallisigineqarnissaa isumaqatigiissutigineqarluni.

4.10 Naalakkersuisut suliffeqarnermut, isumaginninnermut, akileraartarnermullu tunngasuni aaqqissuusseqqinnermut pilersaarutit pillugit ilisimatitsinerat.
Ilisimatitsissut tusaatissatut tiguneqarpoq.

5. Aalajangersimasumik qulequteqarluni ataatsimiinnerup nalilersornera tullianilu qulequtassamik aalajangiineq

Borgmesterit sammisap aalajangersimasuunissaa aamma suliamut ilisimasallit saqqummiartornissaat ataatsimut isigalugit ajorinngilaat. Ilaalli isumaqarput sulianik sullissisartut ulluinnarni innuttaasunik sullissaqartunit tusagaqarnissaq. Ilaat aamma Naalakkersuinikkut Ataquatigiissaarisogatigiit ataatsimiinnerannut atatillugu isumaqarput oqaloqatigiinnissamut piffissaqarnerusariaqartoq ilisimatitsinerillu ikinnerusinnaasut.

Naalakkersuinikkut Ataquatigiissaarisogatigiit aalajangerput, sammisap pillugu ataatsimiinnissap tulliani ilinniartitaaneq sammineqassasoq, tassanilu sulii atualinngitsunut meeqqallu atuarfiinut tunngasut taakkunungalu aningaasartuutit pillugit pingaartinneqassallutik, aammalu immikkut sammisaqarneq ulloq ataaseq sivisissuseqassasoq.

6. Tamalaat aamma tullianik ataatsimiinnissaq (siunnersuutit):

Tamalaanut oqallisigisassaqaanngilaq. Tulliani ataatsimiinneq Inatsisartut upernaakkut ataatsimiinnerannut atatillugu Nuummi ingerlanneqassaaq. Inatsisartut oqallisigisassaat ilisimaneqaleriapata allatseqarfiup ullut ataatsimiiffigisinnaasat misissussavaat kingornalu qaqugu ataatsimiittoqassanersoq nalunaarutigalugu.